

Saveman

Äma nadäk-nadäk ikek kubä Anututa nadäj imikinik täyŋkuk

Saveman 1:2; 2:18-26

Komi piä tāk tākamāj uwä mebäri nitek nämo

1 ²Manbiŋam yāwani āmatā man ŋode yāyak; Jopigän! yäk. Jopigän! Imaka imaka pat yāpmāj kuyak u jopigän, mebäri nitek nämo.

Saveman 2:18-26

2 ¹⁸Näk epän pähap täŋpāj imaka yabāj ahäk täyat uwä ŋode yāŋpāj-nadājira bureni kubä nämo täŋkuk; Näk kumāŋira äma näk komena yāpayāj tāko uwä tuŋumna ŋo kudup api korewek. ¹⁹Tāj äma uwä nadäk-nadäk ikek api irek ba guŋ pähap api ireko u netä nadätak? Nadäk-nadäk ikek ba guŋ pähap api irek yāj nämo nadätat upāŋkaŋ jop waki äma unitä imaka päke u kome terak nadäk-nadäkna ikek itkaŋ epän täŋ dämiŋpāj yabāj ahāŋkuro u jop api yāpek. Unita nadājira jopi kubä täyak! ²⁰Näk ude yāŋpāj epän kädāp ikek täŋ yāpmāj äburo unita butewaki taŋi nadāŋkut. ²¹Ŋode kak tākamāj; Nin nadäk-nadäk epän täŋpāj äma nadāwanitā-yāj epän täŋ yāpmāj kuŋitna bureni ahāŋirän kumäk tākamāj. Kumāŋitna äma ätu epän unita nämo täŋpanitā jop korek tākaŋ. Unita nadājira jopi tāk täyak, ba nadājira nämo tāgak täyak. ²²Ninä kome terak epän komi pähap, nadāwätäk terak tāk tākamāj. Täŋpākaŋ unitāŋo bureni imatāken kubä ahāj nimik täyak? ²³^a Nämo! Imaka tāk tākamāj unitä kadāni kadāni butewaki ba jägāmi nimik täyak. Täŋirän bipaniwä dāpmon säkgāmān nämo pat tākamāj. Ude tāk tākamāj u imaka, bureni nämo, jopigän.

^a 2:23 Sam 90:10,15, 77:2-4, 127:2; Apos 14:22

^{24 b} Mebäri ude pätak unita äma nin ñode tänañi; Epän täk takamän unita gäripi nadäñpäñ unitäño bureni nañitna tägak täyon. Näk ude nadäñpäñ kukñini ñode nadäwa täreñkuñ; Gäripi u imaka, Anutuken nanik-tägän äbäk täyak. ²⁵ Ude nämo parän yäwänäku jide täñpäñ ume ba ketem nañpäñ imaka ätuta gäripi nadäk takäne? ^{26 c} Ämawebe Anututä yabäwän tägak takañ uwä nadäk-nadäk ba nadäwä tärek ba oretoret täñ yämik täyak. Täñ momi ämata nadäñ yämiñpewän epän pähap täñjirä bureni täñbumbum ahäñjirä äma Anututä gäripi nadäñ yämik täyak unita yäniñ kirek takañ. Unita imaka, nadäñjira kudup jopigän täk täyak. Uwä ämatä mäniñ keritä iñitna yäkñat täñpäwak takañ udegän.

^b 2:24 Luk 12:19; Apos 14:7; 1Ko 15:32; 1Ti 6:17 ^c 2:26 Rom 2:5-11, 14:17-18; Gal 6:8; Jem 3:17